

Il pli

remartgabel da la

CAMIUNETTA CULTURALA è il camiun da

tuttas colurs ch'ins ha gia vis e duvrà en las

regiuns las pli allontanadas da la Svizra. Responsabel
persuenter è ina grupp da sis persunas da differentas

regiuns da noss pajais. Ella ha l'incumbensa da colla-
vurar dapertut là, nua che persunas vulan s'engaschar per

in'idea, ina chaussa, ma na disponan betg da l'experientscha
u dals meds adequats. Ils collavurators da la camiunetta culturala

sa mettan ensemen cun els e provan d'emprender a conuscher il project en
tut ses aspects. Lura examineschan els cun tge meds ch'el duai vegnir fatg public

ed elavuran cun ils iniziants in concept ed in plan da lavur. Els na prendan betg davent
la lavur als iniziants, il cuntrari: Els mettan a disposiziun lur experientschas cun la

planisaziun da lavur publica e lur conscientschas davart meds grafics ed audiovisuals
per promover l'atgn'iniziativa da quellas persunas che na savevan fin uss betg co s'engaschar

per quai ch'als steva a cor u che survegnivan memia pauc sustegn. La tscherna dals projects
sa fa a basa d'in'idea da la cultura globala. Tut quai che carstgauns interprendan

per far sez u per auters in maletg da lur mund real u giavischè, per guardar enavant
u enavos, per reanimar l'iertà u per pruvar insatge nov, pia tut quai che gida a sclerir

u pre- schentar l'identidad da l'atgna grupp u regiun, giusti- fitgescha
l'enga- schament da la camiunetta culturala. La grupp

dispona d'in pitschen camiun, d'ina tribuna cun ina
tenda per 120 persunas, d'in indriz da video, equi-

pament da fotografar e chom- bra striga,
indrizz da projecziun e da tun e

d'in lavuratori da serigra-
fia.

*Camiunetta culturala
Cultura-bus
Bus d'animation culturelle
Kulturmobil*

Exempels da projects realisads:

SCUOL (GR) En l'Engiadina bassa ha l'Acziun Scuol vulì promover cun la camionetta culturala il diever dal rumantsch en la vita activa da la vischnanca ed ha organisà in'acziun da trais emnas per ch'ils abitants e las uniuns dals vitgs possian preschentarsasez.

BALERNA (TI) "Muments istorics en il Mendrisiotto" è stà il tema d'ina retscha d'occurenzas extendidas ch'han pruvà d'elavurar l'identitad culturala d'ina regiun en ina situaziun da confin. La camionetta culturala s'è participada a l'organisaziun, ha gidà a realisar las occurenzas ed ha pussibilità contacts e comunicaziuns tranter l'autoritad communal e la gruppa d'iniziativa ACP (Associazione Cultura Popolare) en in lieu neutral.

NOTTWIL (LU) "Nottu vor 60 Johre, lueg zrogg für übermorn" è stà il motto ch'ha occupà la populaziun durant trais onns. En collavuraziun cun la camionetta culturala è vegnida realisada in'exposiziun da fotografias. Pliras gruppas ch'han gidà ad elavurar ils fatgs istorics han dumandà il cussegl dals animaturs.

ORBE (VD) Qua ha la camionetta culturala sustegnì ils organisaturs da la Quinzaine Artistique en lur fadias, da far conuscent a la populaziun questa manifestaziun da la cultura regionala ordvart impurtanta. Inspirada da las pussaivladads da la camionetta culturala, ha ina gruppa da geniturs ed uffants duvrà la tenda ed il char per ina tournea da teater.



La camionetta culturala sa metta a disposiziun per gruppas da cultura localas, per societads ed uniuns.

La camionetta culturala è in pitschen camiun cun tenda, tribuna, video, serigrafia etc. Ella vegn accompagnada d'ina gruppa experimentada.

La camionetta culturala sustegna projects sin il champ da l'animaziun socio-culturala; ella cooperescha a l'elavuraziun d'in'idea u d'in project, porscha agid d'infurmaziun e sa participescha a la realisaziun.

La camionetta culturala è in'interpresa da la fundaziun culturala da la PRO HELVETIA.

La fundaziun, creada da la confederaziun, promova la lavur culturala en Svizra, procura sia derasaziun sur ils cunfins linguistics e dal pajais e sustegna l'animaziun socioculturala.

La camionetta culturala duai gidar a mantegnair e rinforzar l'atgnadad culturala da las bleras regions svizras.

PRO HELVETIA
camionetta culturala
Hirschengraben 22

8024 Turitg

01 - 251 96 00

